

Kayëta isasën ir Şaŋ in

Lilaya in

Kayëta ijo, ar bano rend «Axarëk an» yëgwën baŋo këreceŋ ir këno wacënd Gayos. Er kë sëyalind mëne aŋap yäpëk ekaca ed aye okëreceŋ odiyë el ex canayaxën ebalër ed aminëmëra and gër Yesu Kërisët aŋ. Bandixa band Gayos baŋ bax wasinënd mëne afëb fëb baxo osëy'ali olo. Barikan Jotëref ababi wëlaya na okëreceŋ odiyë ok. Mëŋ gër kayëta ijo ro aşëkw şëkw këno Gayos do nöp këno Jotëref. Er ex gër akayëta in:

Ecëmar el: 1-4.

End apela and Gayos eŋ: 5-8.

End Jotëref eŋ: 9-10.

Ang yäpëk etëfëteli ed Demetëros el: 11-12.

Bepelatar beŋ: 13-15.

Ecëmar el

1 ¹ Wëno Axarëk an ki yëgwënë lind wëj Gayos, wëj ar ex imaÿe ind han këmo gë däl in. ² Wëj imaÿe ind han këmi mbaŋ ino, aşalen këmi şalenënd ey' beta, exi yera mbaŋ do ey' bëngw gër eman endey' ang bëngwëk enjëw endey' ak.

End bër olawënel eŋ

³ Wëno mbaŋ nëngandëra ke ga sëkati këne bëmaÿe do rey'ati këni mëne şenene fëb këy' däl in do gër däl ijo këy' liyand. ⁴ Wëno mbaŋ ke nënganënd angëmëne me wëlënd mëne obaş oram ol gër däl këni liyand.

⁵ Wëj imaÿe ind han këmi mbaŋ ino, ang yäp këŋo ar xwëta këŋo Kaxanu ak këy' rind gë dek benjekax bend këy'ëbi rinënd bëmaÿe bëŋ ado eni gi bëniyer. ⁶ Arey'ati rey'ati këni gër amara andebi ro end ang ki balënd bela ak. Axara këmi xarand ey'ëbi yëlëra şëlafana ir damana irebën ang këŋo yäpan Kaxanu ak. ⁷ Eni dey'araxënënd end oŋac or Axwën eŋ sebëragu këni oxun orebën oŋ, xarak ax gi ex na eni cotëraxën gër bër benëŋ becëxe. ⁸ Awa aŋap yäpëk enëbe mëlayande aye bela bërako bën ene kelaxëne gë bën andiyen and däl aŋ.

End Jotëref do gë Demetëros eŋ

⁹ Ata kayëta iromax ŷëgwënëli këmun Amara andewën aŋ. 'Barikan Jotëref, mëŋ ar këŋo nënganënd olëngw an, aŋo balënd na end këme rend eŋ. ¹⁰ Mëŋ ex, and këme yeli aŋ, afut këme fut beñëŋenax bënd ko rind beŋ ga këbo rexërand ako. Ado ax gi ex na eŋo fo ko rind: abi mëlayand na bëmaÿe bëniyer bëŋ; bër këbi ŷandind enëbi mëlaya bën, ebi besara xali do ebi ŋwāÿ dëŋ gër Amara.

¹¹ Wëj imaÿe ind ħan këmi mbaŋ iŋo, tëfëtelindëbi bër kë rind beŋjekax bën, bari ax gi ex na bër kë rind beñëŋenax bën. Ar kë rind beŋjekax an, ar Kaxanu hi ko. 'Barikan ar kë rind beñëŋenax an, aŋo nang ex na Kaxanu.

¹² Ata bela bën ðek areÿ'a këni rey'and enjekax end ko rind Demetëros eŋ, në end ðal ir ex gër emëkw endexëm eŋ. 'Biyi bëte enjekax fo këmi rey'and do aye nang këÿ mëne osede orebi ol ðal ex.

'Bepelatar beŋ

¹³ 'Bendanjëm ŷëgwënëli domi, bari axe ñandi ex na mi pelëra gë iñëgwaya. ¹⁴ Ayar këme yarënd mi nëngali bakey baŋo dëŋ do axanar ke xanarëxëye mopabër. ¹⁵ Kaxanu yëlëlexi obetak ol! Oðawo odeÿ' ok ašëma këni šëmand. Wëj bëte cëmalëbi oðawo odebi ok, ala kala gë oŵac orexëm ol.